

Chadian Arabic - Roman - Agape Al-Kutub - God's Love Letter Scriptures

Yuuhanna 15:9 Min al-awwal ana nihibbuku misil Abuui yihibbini. Agoodu saabtiin fi mahabbati.

Icha'ya 43:1,2 - I-Afasus 2:10 Aniina bigiina misil cheyy jadiid al-Yehowah sana'ah.
Hu sawwaana khaliige jadiide fi I-Masiih Isa achaan nisawwu a'maal al-kheer al-min awwal hu jahhazaahum leena achaan nisawwuuhum.

Irmiiya 1:5 - I-Khalaatiyiin 1:15 Laakin gubbaal ma wildooni kula, Yehowah ikhtaaraani achaan nabga be ni'matah rasuul.

Yuuhanna 15:16 Intu ma ikhtirtuuni. Ana bas ikhtirtuku wa rassaltuku achaan tijiibu leyi faayde wa achaan al-faayde di tuduum. Wa ayyi cheyy al-tas'alooh min Abuui be usmi, hu yantiiku.

3 Yuuhanna 1:2 Ya habiibi, nas'al Yehowah achaan kulla cheyy yabga leek adiil wa achaan sihhatak tukuun taybe misil na'arif galbak daayman tayyib.

Icha'ya 43:4 - 1 Butrus 2:9,10 Laakin kan leeku intu, bigiitu al-gabiila al-Yehowah ikhtaaraaha wa rujaal diin hana I-malik al-kabiir wa umma al-khaassa le Yehowah wa cha'ab hana Yehowah zaatah. Hu naadaaku achaan tamurgu min al-dalaam wa tadkhulu fi nuurah al-ajiib wa khalaas tiballukhu khabar hana a'maal Yehowah al-kubaar. 10 Wa maktuub fi I-Kitaab {Awwal intu ma ummat Yehowah, laakin hassa' intu bigiitu ummatah. Awwal rahmat Yehowah ma jaat foogku, laakin hassa' rahmatah jaat foogku khalaas}.

Irmiiya 31:3 - I-Afasus 1:4 Gubbaal bidaayit al-dunya, Yehowah ikhtaaraana fi I-Masiih. Be sabab mahabbitah, hu chaal niiye achaan nabgo saalihiin wa nahdaro giddaamah bala eeb.

2 Timuutaawus 1:9 Hu najjaana wa naadaana achaan nabgo naas khaassiin leyah. Wa da ma be sabab ayyi amal saalih al-aniina sawweenaah laakin be sabab niiyitah wa rahmatah. Gubbaal al-dunya ma badat, hu indah niiye achaan yantiina al-ni'ma di fi I-Masiih Isa.

Yuuhanna 3:16 Wa Yehowah habba naas al-dunya bilheen wa achaan da, hu anta Ibnah al-Wahid achaan ayyi naadum al-yi'aamin beyah ma yahlak laakin yalga al-haya al-abadiye.

Luukha 12:32 Ya khineemaati, ma takhaafo. Abuuku Yehowah indah niiye yantiiku al-mamlaka. Huucha' 11:8; Icha'ya 49:15,16; & Icha'ya 41:13,14

Matta 28:20 Allumuuhum achaan yisawwu kulla cheyy al-ana ooreetku beyah. Wa khalaas ana gaa'id ma'aaku kulla yoom lahaddi kumaalit al-dunya.

Yuuhanna 14:1 Ma tihimmu. Aamunu be Yehowah wa aamunu beyi.

I-Zabuur 23:1 - Yuuhanna 10:11 Ana al-raa'i al-adiil. Al-raa'i al-adiil hu al-naadum al-yafda khanamah be ruuhah.

I-Zabuur 23:2 - Ru'ya 7:17 Wa da yabga achaan al-Kharuuf al-gaa'id fi lubb al-arch hu yabga leehum raa'i. Wa hu yuguudhum fi I-derib wa yiwaddiuhum le uyuun almi al-haya wa Yehowah yuguchch min uyuunhum kulla dumuu'hum.

I-Zabuur 23:3,4 - Luukha 1:79 achaan yinawwir le I-naas al-gaa'idiin fi I-dalaam wa I-khaayfiin min al-moot wa khalaas yuguudna fi derib al-salaam.

I-Zabuur 23:5,6 - 2 I-Kuruntus 1:10 Wa akiid Yehowah al-faza'aana min al-moot da, hu yafza'na battaan. Khatteena achamna foogah hu bas wa akiid hu yafza'na

battaan.

I-Filibbi 4:7 Wa Yehowah yantiiku salaamah al-gawi al-faayit kulla cheyy al-yafhamooh al-naas. Wa salaam Yehowah yahfad guluubku wa afkaarku wa tagoodu saabtiin fi I-Masiih Isa.

Amsaal 3:24 & I-Zabuur 4:8 - Yuuhanna 14:27 Nikhalliiku be salaam. Nantiiku salaam hanaayi. Al-salaam al-ana nantiih leeku afdal min ayyi salaam al-talgooh fi I-dunya. Ma tihimu wa ma takhaafo.

I-Zabuur 33:18 - 1 Butrus 3:12 Achaan Yehowah yiraakhib al-saalihiiin wa yasma' du'aahum. Laakin Yehowah adu al-naas al-yisawwu al-fasaala}.

I-Rooma 5:2 Wa be I-Masiih bas gidirna dakhlna fi I-ni'ma di al-aniina saabtiin foogha. Wa nafraho be acham kadar nalhago majd Yehowah.

Icha'ya 55:12 - Luukha 19:40 Wa Isa radda leehum wa gaal : Nuguul leeku kan al-naas dool sakato kula, al-hujaar yi'iitu be nafs al-kalaam.

Yuuhanna 16:22 Wa yabga leeku misil da. Hassa' tat'abo laakin ana nigabbil battaan nichiifku wa intu tafraho farha chadiide wa ma fi naadum yichiil minku al-farha.

Luukha 12:9 Wa ayyi naadum al-yankurni giddaam al-naas, ana kula nankurah giddaam malaa'ikat Yehowah.

Matta 10:30 Wa ma tichiil zaad wa la jalaaliib itneen wa la ni'iilaat wa ma tichiil asa. Achaan al-akil waajib le I-khaddaam wa akiid talgooh.

Icha'ya 54:10 - Matta 24:35 Al-sama wa I-ard yabgo ma fihum wa laakin kalaami yagood daayman.

Matta 11:28-30 Ta'aalu leyi intu kulluku al-ta'baaniin wa induku muchkila katiire fi raasku wa ana nantiiku jumma. 29 Khalluuni nabga sayyidku wa abgo talaamiizi achaan ana daluul wa hanuun wa talgo jumma le nufuusku 30 achaan ana ma sayyid fasil wa ma nukhutt cheyy tagiil foogku.

2 I-Kuruntus 11:2 Ana za'laan fi chaanku wa za'ali da jaayi min Yehowah. Ana misil abu hana bineeye lissaa' ma chaafat raajil wa intu bas al-bineeye. Wa ana sawweet maw'id achaan al-bineeye di taakhud raajil waahid wa hu al-Masiih. Wa nidoor nigaddimku leyah misil bineeye al-ma indaha eeb.

Exodus 3:14 - Ibrani 13:8 Isa al-Masiih abadan ma yilkhayyar. Hu gaa'id min awwal wa I-yoom wa ila I-abad. Suleymaan 2:10 & Huucha' 2:14,19,20

Huucha' 13:4 - Amal - I-Rusul 4:12 Al-naja ma fi illa be Isa wiheedah. Wa fi kulla I-ard, ma fi usum aakhar al-Yehowah nazzalah le I-naas al-waajib ni'aamunu beyah wa nanjo, illa be usum Isa.

Yuuhanna 15:14 Wa intu rufgaani kan titaabu'u wasaaya al-anteethum leeku.

Yuuhanna 14:6 Wa Isa radda leyah wa gaal: Ana bas al-derib wa I-hagg wa I-haya. Ma fi naadum yalhag Yehowah illa beyi.

Ru'ya 3:20 Chiifu, ana misil naadum waagif fi I-derib wa yudugg fi I-baab. Kan ayyi naadum yasma'ni wa yaftah leyi al-baab, ana nadkhul fi beetah wa naakul ma'aayah wa hu yaakul ma'aayi.